

**BOSNA I HERCEGOVINA**  
**MINISTARSTVO CIVILNIH POSLOVA**  
**Koordinaciono tijelo Bosne i Hercegovine za pomoć žrtvama mina,**  
**kasetne municije i eksplozivnih sredstava zaostalih iz rata**

Datum: 12.12.2018.god.

**ZAPISNIK**

**Sa prvog sastanka Koordinacionog tijela Bosne i Hercegovine za pomoć žrtvama mina,**  
**kasetne municije i eksplozivnih sredstava zaostalih iz rata**

Sastanak je održan dana 12.12.2018.godine u prostorijama Centra za uklanjanje mina u BiH (BHMIC), sa početkom rada u 12:00h, a na osnovu poziva predsjednika Koordinacionog tijela.

Sastanku su prisustvovali: Ermin Terko- predsjednik; Željko Volaš- zamjenik predsjednika; Oliver Soldo- zamjenik predsjednika; Dragica Knežević- član; Esma Palić- član; Slaven Vidović- član; Senahid Ademović- član; Miroslav Maričić-član; Senadin Kumro- član; Ivana Grujić- zamjena umjesto člana Branka Leka; Sead Muratović- član; Ivo Marković-član; Radosav Živković- član; Rusmir Hanić-član; Miloš Marjanović- član; Amir Mujanović- član; Dunja Velagić-Pranjić- sekretar; Saša Obradović-v.d. Direktor BHMIC-a; Sjetlana Pavlović; Gordana Šekarić;

Opravdano odsutni: Belma Sarić-Eterović-član- porodiljno odsustvo; Andreja Subotić-Popović- član; Goran Čerkez- član; Snježana Kovač- član, Nataša Stevanović- član i Alisa Čedić-član- zbog ranije preuzetih drugih obaveza.

Na početku sastanka obratio se predsjednik Koordinacionog tijela Ermin Terko, pozdravio sve prisutne i zahvalio se na dolasku te predložio dnevni red sastanka kako slijedi:

1. Uvodno obraćanje predsjednika Koordinacionog tijela;
2. Razmatranje prijedloga Poslovnika o radu Koordinacionog tijela;
3. Dogovor u vezi sa radom Koordinacionog tijela.

**1. Tačka dnevnog reda- Uvodno obraćanje predsjednika Koordinacionog tijela;**

Predsjednik Koordinacionog tijela Ermin Terko upoznao je prisutne sa prijedlogom Poslovnika o radu te predložio da svako od članova da svoj prijedlog ukoliko smatra da nešto treba promijeniti/dodati u prijedlogu Poslovnika. Naglasio je da je ovo Koordinaciono tijelo instrument koji treba da popravi položaj žrtava mina u Bosni i Hercegovini te istakao da očekuje od svih učesnika da se maksimalno zalažu na radu da bi se institucionalno pomoglo žrtvama mina u Bosni i Hercegovini. Nakon uvodnog obraćanja predsjednik je dao riječ v.d. Direktor BHMIC-a da se obrati prisutnima.

V.d Direktor BHMAC-a je istakao da se kao direktor BHMAC-a zalagao da se navedeno Koordinaciono tijelo formira. Upoznao je učesnike sa radom na tom pitanju u zadnje dvije godine te istakao Otawsku konvenciju i obaveze koje proizilaze iz nje. Naglasio je da je u proceduri usvajanje nove Strategije protuminskog djelovanja u Bosni i Hercegovini te je jako važno da žrtve mina učestvuju u donošenju Podstrategije za žrtve mina u BiH. Naglasio je da je razgovarao sa ITF-om i EU Komisijom da se obezbjede veća sredstva za pomoć žrtvama mina. Na kraju se još jednom zahvalio svima na prisustvu te obećao svaki vid pomoći koji može pružiti BHMAC u radu ovog Koordinacionog tijela.

Nakon uvodnog obraćanja Predsjednika i v.d. Direktora BHMAC-a predsjednik je zamolio sve prisutne da se ukratko predstave.

Član Koordinacionog tijela Miroslav Maričić je predložio da se donesena Odluka poništi te da se nova inicijativa uputi novom sazivu Vijeća ministara BiH.

Nakon predstavljanja predsjednik Ermin Terko je istakao da je Odluka Vijeća ministara obavezujuća od dana donošenja.

Predsjedavajući je predložio da počne rasprava po 2. tački dnevnog reda - Razmatranje prijedloga Poslovnika o radu Koordinacionog tijela.

## **2. Tačka dnevnog reda- Razmatranje prijedloga Poslovnika o radu Koordinacionog tijela:**

Predsjedavajući je konstatovao da je prisutno 16 članova tijela te da postoji kvorum za odlučivanje te da se počne sa radom na prijedlogu Poslovnika te otvorio raspravu po tom pitanju. Istakao je da treba da bude imperativ da se u sljedećoj godini odmah počne sa radom sa velikim entuzijazmom što se tiče programskih aktivnosti.

Član Koordinacionog tijela Rusmir Hanić predložio je da u Poslovniku stoje nadležnosti i obaveze Koordinacionog tijela te da svi moraju biti obavezni u radu tijela. Istakao je da nedostaje odnos BHMAC-a i Koordinacionog tijela te da sva komunikacija bude oficijelna.

**ZAKLJUČAK BR. 1:** Postignuta je saglasnost sa 15 glasova – ZA i jedan - PROTIV da se dopuni član 2. Poslovnika sa sastavom i zadacima Koordinacionog tijela prema tekstu Odluke.

Miroslav Maričić je postavio pitanje na čiju inicijativu su određene institucije iz RS-a koje će biti u sastavu ovog tijela?

Željko Volaš- zamjenik predsjedavajućeg je na kostataciju člana Miroslava Maričića o formiranju ovog tijela odnosno na pitanje ko je predložio odnosno odredio koje institucije će sudjelovati u radu ovog tijela dao sljedeće obrazloženje:

Nevladin sektor je predložio za članove iz Vladinog sektora institucije koje se bave pomoći invalidima u okviru entitetskih ministarstava.

Član Koordinacionog tijela Amir Mujanović je istakao da je ovo treća Odluka koja se donosi po pitanju formiranja Koordinacionog tijela za pomoć žrtvama mina te da postoji duga istorija o početku rada ovog tijela.

Član Koordinacionog tijela Rusmir Hanić je predložio da se u članu 12. prijedloga Poslovnika definiše mogućnost sazivanja sjednica i glasanja elektronskim putem u vanrednim prilikama.

## **ZAKLJUČAK BR. 2:**

Dopuniti član 9. Poslovnika te dodati stav 7. koji glasi: „U izuzetnim slučajevima Kolegij Koordinacionog tijela može organizirati elektronsku sjednicu za koju će na tom kolegiju utvrditi dnevni red. Odluke donesene na ovaj način su validne ukoliko su donešene uz potrebnu većinu u skladu sa ovim Poslovníkom.“

Usvojen sa 15 glasova ZA i 1 PROTIV

ZAKLJUČAK BR. 3:

U članu 7. dodati novi stav 3) koji glasi: Kolegij Koordinacionog tijela čine: Predsjednik, njegovi zamjenici i sekretar.

Usvojeno sa 15 glasova ZA i 1 PROTIV.

ZAKLJUČAK BR. 4:

U članu 18. stav jedan, dodaje se: „uz prethodnu saglasnost Kolegija Koordinacionog tijela.“

Usvojeno sa 15 glasova ZA i 1 PROTIV.

ZAKLJUČAK BR. 5:

U članu 8. na kraju stava dodati: „bez prava glasa“.

Usvojeno sa 15 glasova ZA i 1 PROTIV.

ZAKLJUČAK BR.6:

Usvaja se Poslovník o radu, sa izmjenama i dopunama utvrđenim na prvoj sjednici Koordinacionog tijela sa 15 glasova ZA i 1 PROTIV.

ZAKLJUČAK BR. 7:

Svi prijedlozi za daljnji plan i program rada članovi Koordinacionog tijela dostavljaju Kolegiju.

Zapisnik su pročitali svi prisutni, nisu stavljene primjedbe na isti, te ga u znak odobranja i saglasnosti potpisuju:

Zapisničar:

Dragan Trapara



Predsjednik Koordinacionog tijela

Vernir Terko

